

hab ich bezalt 80 guldin an golde und 4 ß meisner, facit an gelde. Item dem Permitter habe ich bezalt 4 gute ß gr. Item Morginstern und Porcz sint meyns bruders kindir und weip schuldig 15 ß 20 gr. Davor ist ðn das husz vorphant. Item der Trunsmidin hab ich gegeben 26 gulden an golde, macht an gelde. Item so hab ich ynnen selbinst von meyns bruder wegen 73 gulden und 47 gulden, macht an gelde. Item meynem bruder Nickel Dreschuff hab ich gegeben 18 gute schogk, dy ðm Francz, meyn brudir, schuldig bliben ist. Item der Hans Mertenin hab ich bezalt 6 nuwe schogk minus 5 nuwe gr.

## 988.

1453 November 19

### *Einigung über das Erbe von Hans Lumpold.*

fol. 183v Es ist bereth und beteidingit durch den erbir und vesten Sighart Gliczsch, ersamen und weiszen Petir Munczolt, Erhart Czingken, Heyncz Frenzil, Mertin Rudeler und Nickel Tophir czwischen Hanszen Lumpoldis gotseligen eliche wirtin uff eyne und Siffart Poszeler als eyn vormunden synis weibis und der Trostin von Schetwicz als gewistern und dy nesten erben Hans Lumpoldis uff dy andire seiten, also daz frauwe Anna Lumpolden, eliche wirtin, der gelaszen gutir ires ewirtes des huszis in dem nuwin Weidacht und allir synir farindir und gelasziner habe und dorczu schulde und gulde undirczihen und des nach ir notdurfft gebruchen sal und vor sulche anirstorben habe Siffart Peszeler, irem swager, von seyns weibis weyn und der genanten Trostin ir gesweißen reichen und geben achczehin schogk gutir nuwir schildichtir groschen, dy czu 15 hellirn geslagen,<sup>a)</sup> addir so vil muncz, als dy czu nemen und czu geben laufig<sup>b)</sup> sint, und sal dy usz den gelaszen gutirn uszrichten und bezalen 2 ß uff dy weichfast czu weinachtin schirsten komende und dornach uff iczliche weichfasten dornach folginde 2 ß gr der geschr(iebenen) were so lange, daz dy gescriben schuld vor ðn gancz bezalt und uszgericht wirdit. Und wurde es sich bynnen des mit der muncze vorandern, waz denne eyn nuwer schildichter grosche gelden wurde, sal dy frauwe als nach der saczung uszrichten und bezalen an allen eyntag und argelist. Daz sy auch also gereth und globit hat stete und gancz zu haldin, davor sint burgen Peter Munczolt und Erhart Czingke ane schaden czu bezalen. Actum in die Elisabeth coram rectorem consulum et suis juratis anno etc. LIII.

a) folgt durchgestrichen sint b) am linken Rand, Einfügestelle gekennzeichnet, ersetzt durchgestrichen angeslagen